

2021

HMAR

(Modern Indian Language)

Full Marks : 100

Pass Marks : 33

Time : Three hours

SECTION – A

UNIT – I (PROSE)

25 Marks

1. A hnuoia indawwnna hi sentence khatin dawn rawh : 1

In Inchuklai Bua 'RINGUMNA' thu hi tu ziek am a nih a ?

2. A hnuoia indawwnnahai hi thumal 20 velin dawn rawh: 2+2+2+2+2 =10

(i) Pi le pu haiin thlarau khawvel pahni um dinga an ringhai kha ziek rawh.

(ii) Hebrai tlangval a unauha'n an zawrpa hming ziek la, an zawrna zat ziek rawh.

(iii) Sungkhat Ei Nih thuzieka Lala ruolhai pahni hming ziek rawh.

P.T.O.

- (iv) Adolescence Education thiltum pahni ziek rawh.
- (v) Mithi Khuo-a Pielral hi tu hai khawsakna ding am a nih a ?
3. A hnuoia indawnnahai hi thumal 35 velin dawn rawh : 3+3=6
- (i) Ringumna thuzieka i tiem danin mi ringumhai khawsak dan 3 ziek rawh.
- (ii) Adolescence Education-a damdawi hmangkhawhlo rasuok a ti 3 ziek rawh.
4. A hnuoia indawnnahai hi thumal 55 velin dawn rawh : 4+4=8
- (i) Pi le pu haiin ieng leia Pielrala um hi an lo thlakhla am a nih a ?
- (ii) Shanti unaupa Tomba hin ieng leia Lala hi a vuok am ?

SECTION - A
UNIT - II (POETRY)
25 MARKS

5. A hnuoia indawna hi sentence khatin dawn rawh : 1
'Suilung Phanglo' hla phuoktu hming ziek rawh.
6. A hnuoia indawnnahai hi thumal 25 velin dawn rawh : 2+2+2+2+2 = 10
- (i) 'In phawsiel le in ralfeite zuong thaw ro' ti hi tawng tuongtamin hrilfie rawh.
- (ii) 'Ka Lalnunnem suong ang bel e' ti hi hrilfie rawh.

(iii) Hmelma nunrawng thina lalin, 'sung tin map nau' a'n changtir dan ziek rawh,

(iv) 'Lalnunnem Ka Ngai Em Che' phuoktu'n a tuor zo naw chu ie'm a nih a ?

(v) In inchuklai hla 4 laia i nuom tak, châng khat indik takin ziek rawh.

7. A hnuoia indawnnahai hi thumal 35 velin dawn rawh : 3+3=6

(i) 'Hnena tumkau puon ang zarin, Ka Lal Krista par ang lawm e' ti hi tawng tuongtamin hrifie rawh.

(ii) 'Van Khawpui' hla a, 'Lawmna tawp lo ding an chang' a tihai hi tu hai chanchin am a hriina a nih a ?

8. A hnuoia indawnnahai hi thumal 55 velin dawn rawh : 4+4=8

(i) 'Sikpuilam Hla' hi, Israelhai thlalera an inzin sunga an thil tuok inzawtna angin i hriet ve am ?

(ii) 'Lalnunnem Ka Ngai Em Che' ti phuoktu le 'Lalnunnem' hin, ieng ang harsatna am an nei niin i hriet a ?

SECTION – B

UNIT – III (READING)

10 MARKS

9. Thuziek hi dilsut takin tiem rawh :

David Livingstone chu Scotland rama pieng a nih a. An pasiet leiin naupang ni sien khawm ni khatah dârkâr 10 zet sin a thaw hlak. Lekha inchûk a'n

hàwk èm êm a; anachu, an pasiet leiin a nuom angin sikul a kai thei nawh a. A thei ang angin in tieng lekha a tiem hlak. Kum khat sikul a kai leh a kum nàwk a châwl pei hlak. Harsa taka lekha inchùk ni sien khawm, kum 1840 khan Glasglow University-ah Doctor a zo thei a nih.

Ama chu Kristien ÷ha tak a nih a. Khawvêl pumpuia chanchin ÷ha hril hi a thil tum a nih. Ramthim a'n vawi èm êm hlak a. Chuongchun, China ramah missionary sin thaw dinga fe a tum a; anachu, China le England an indo hlau leiin a fe thei ta nawh a. Africa ram thim tieng chun fe a tum ta lem a. Hieng lai huna hin Africa ram chu a la'n thim zuol a, a ram khawm a lum leiin a hrisèl naw èm êm a. Pathien thu la hre ngai lo an nih a, inthat mei mei an la ching khawp el a. A ram ÷iumzie hre zingin a fe lui ta tho a. Chuongchun, sim tàwp tienga khuo pakhat Cape Town an ti chu a tlung phawt a, chu taka inthawk chun ram ril tieng a pan tah a. Hieng lai huna hin sala inman a, bazara thuomhnaw anga inzawr mei mei an ching a. Hi hi David chun a theida a, sukbo tumin nasa takin sin a thaw a nih.

Chuongchun, Negro khuoa chun a um ve a. Chanchin ÷ha a hril pei a. Kum 10 zet a um hnungin England tieng a fe nàwk a. Anachu, England-a chun sàwt a um pei nawh. Africa tieng bawk chun a kîr nàwk a. Ama leiin Negro mi tam takin Pathien thu an hung àwi tah a. Ama chu 'Africa ram thim khawnvar' an ti hiel a nih. A ruolpa chun a zu zawng ngat ngat a, a tàwpah a zu hmu suok a. Ama chun, "Ruolpa, i nuhmei le i nauhai le ei Kumpinu

Victoria khawm i ngai dèr naw a ni ?" a hei ti a. Ama chun, "Ngai e, anachu hi lai hin sin thaw ding a tam èma a nih," tiin a dawn a. A ruolpa khawm chun a mhuoi dawk thei chuong nawh a. Chuongchun, a hmangai èm èm Negro lai chun a lu a phùm ta a nih.

- I. (a) A chungá thuziek khi uluk takin tiem la, thupui pawimaw 3 ziek dawk rawh. 3
- (b) A chungá thupui pawimaw 3 i ziek dawkhai, thutluong pângngâiin ziek thla rawh. 3
- II. (a) A hnuoia thumalhai le umzie inhnai, a chungá thuzieka inthawk khin thlang suok rawh : 1+1
- (i) chanchin t̄ha la lutnawna
- (ii) Lalnu
- (b) David Livingston thil tum tak thumal 20 neka tlawm lovin ziek rawh. 2

SECTION – C
UNIT – IV (WRITING)
30 MARKS

10. A hnuoia indawnnahai hi dawn dàn ding ti ang angin dawn rawh :
- (a) 'Blood Donation Day' le inzawma in school-a inchuklaihai thisen pe ve dinga inhrietirna, Notice ziek dan indik takin ziek rawh. 3

- (b) HSLC Exam. Admit Card i lak nia i ngaituohai i Diary-a i ziek dan ziek rawh. 3
- (c) State Level Debating Competition-a lawmman pakhatna i lak lawmna huna lawmthu i hril dan thumal 70 neka tlâwm lovin ziek rawh. 4
- (d) Covid-19 leia inchuklai haiin harsatna an tuok dan News Report ziek rawh. 4
- (e) Ei ram le hnamin Doctor a mamaw zie lekhathawnin i nu le pahai hril rawh. 6

Annawleh,

Covid-19 laka inveng dan dinga mithiem haiin thusuok an siemhai uluk taka zawm a tulzie i nu le pahai kuomah lekhathawnin hril rawh. 6

- (f) Hriselna dinga hmaikawr, kut sukthienghlimna le kâr inhlata umhai pawimaw zie thumal 200 neka tlawm lovin 'essay' ziek rawh. 10

Annawleh,

Covid -19 leia inkharkhipnain ei khawsak a sukdanglam dan thumal 200 nêka tlâwm lovin 'essay' ziek rawh. 10

SECTION – D

UNIT – V (GRAMMAR)

10 MARKS

11. A hnuoia hai hi ziek dik rawh : 1+1+1+1+1+1=6
- (i) Ka va hlim emem de aw !
- (ii) Lalagai an hung tlung tah.

(iii) London khawpui ah lekha kan inchuk.

(iv) Kotkhar thar kan nei.

(v) Mawia hi naupang thra a nih.

(vi) Nisa a lo thla der tah.

12. A hnuoia hai laia a'n dik tak ziek dawh rawh:

1+1+1+1=4

(i) Hmar tawng hi –

(a) A thlûkin a sukdanglam thei nawh

(b) Nuom dan dâna thluk thei a nih

(c) A thlûkin umzie a nei

(d) A thlûkin umzie a nei nawh

(ii) Hmar tawng hi –

(a) Bengali tawng leh an inhnai

(b) Assamese tawng leh an inhnai

(c) Hebrai tawng leh an inhna.

(d) Lusei tawng leh an inhnai

(iii) Hmar Alphabet hi –

- (a) Greek Alphabet leh an inang cher
- (b) Urdu Alphabet leh an inang char
- (c) Russian Alphabet leh an inang char
- (d) Lushai Alphabet leh an inang char

(iv) Hmar Grammar hi –

- (a) Mizo ṭawng zula ziek a nih
- (b) Latin ṭawng zula ziek a nih
- (c) Mizo ṭawng zula ziek a nih
- (d) Hmar ṭawng zula ziek a nih